

欽定清涼山志

欽定清涼山志卷之九

名勝

欽定清涼山志卷之九

謹按清涼山屹神京之右襟帶幽燕頡頏恒嶽  
自昔與普陀峩嶺並稱爲三大士道場而二山  
者或境遠不可卽或道險未易登惟清涼近接  
都邑以故皈心者多往遊焉重以

芝蓋經臨

天題煥彩而巒岫倍爲增色矣夫其五峯矗立千嶂  
森開華嚴之谷功德之池金閣竹林之縹緲玉  
花甘露之潺湲難以一二指僂震旦祇園信無

逾於此者又豈僅以寒風凜冽瑞草爭芳積雪  
瀰漫名葩競發誇爲奧區靈宅之獨殊也歟

欽定清涼山志卷之九

名勝

五臺山亦曰五峯在五臺縣東北一百二十里  
環五百餘里水經注此山五巒巍然故謂之五  
臺史炤通鑑注山在代州五臺縣山形五峙華  
嚴經疏云清涼山者卽代州雁門五臺山也歲  
積堅冰夏仍飛雪曾無炎暑故曰清涼元和郡  
縣志內經以爲紫府山蓋卽此山也山左鄰恒  
嶽右接天池五峯聳立高出雲表頂無林木有

如壘土之臺故以五臺著名而其列爲五者唐  
觀國師云表大士五智已圓五眼已淨總五部  
之真秘洞五陰之性源故首建五佛之冠頂綰  
五方之髻運五乘之要清五濁之災爲妙法蓮  
華勝境

中臺高三十九里頂平廣週五里蒼崖拔地翠  
靄浮空因名翠巖峯與西北二臺肩臂聯接西  
囑晉陽北凌沙塞有五溪發源二溪左注清河  
三溪右由西臺下出峩口入滹沱焉水經云峩

谷之水出於中臺卽此

東臺去中臺四十二里去北臺畧相等其東爲  
龍泉關路臺高三十八里頂週三里勢若鑿脊  
蒸雲浴日爽氣澄秋東望明霞如陂若鏡皆滄  
瀛也名曰望海峯東溪之水北注滹沱東南四  
十里接直隸阜平縣境西北二十里接繁峙縣  
境

西臺去中臺四里去北臺三十五里臺亦高三  
十五里頂週二里舊名栲栳山後改名挂月峯

月墜峯巔儼若懸鏡其上有泉羣山環抱巖谷  
幽邃四十里至繁峙縣境

南臺去中臺八十里臺高三十里頂週二里凡  
東西南北四臺皆發脈於中臺羣嵐聯屬勢若  
遊龍惟南臺獨秀而稍遠仰若覆孟山峯聳峭  
烟光凝紫金蓮日菊燦發如錦因名錦繡峯

北臺去中臺十三里臺高四十里頂週四里山  
勢最高上薄霄漢因名叶斗峯亦曰掖斗峯風  
雨雷電惟在半麓雲氣瀾漫旋覆蓋龍帝之宮



也東瞻海洋北眺沙漠聿爲鉅觀四十里至繁  
峙川衆溪競發流入清河

射虎川 在五臺山東南麓流入清水河康熙  
二十二年

聖祖仁皇帝西巡還輦循長城而東有虎伏林莽間  
親挽雕弧射之虎應弦立斃居人行旅莫不忭躍因撫  
臣請

賜名射虎川今虎皮尚植置臺懷寺中  
聖武之威景鑠萬古

神武泉 在射虎川旁康熙二十二年

聖祖仁皇帝西巡旋蹕旣殪虎於射虎川守土之臣蒹  
除林莽忽有泉自地湧出清甘澍淨經冬不  
竭僉云此

聖武之瑞應也因以名泉

靈鷲峯 在中臺東南今名菩薩頂別出五峯  
之外若屏障焉宛似西天靈鷲山故名南爲  
臺懷鎮

甘露泉 在翠巖峯右亦曰甘露池

大寶塔 靈鷲之前五峯之中漢摩騰天眼見  
此有阿育王所置佛舍利塔歷代修飾高入  
雲漢神燈夜燭清涼第一勝境也

佛足碑 大塔之右按西域記云摩竭陀國波  
吒利精舍大石釋迦佛所遺雙足跡其長一  
尺六寸廣六寸千輻輪相十指皆現花文卽  
字寶瓶魚劍之狀昔佛北趣拘尸那城將示  
寂滅回顧摩竭陀國蹈此石上告阿難言吾  
今最後留此足跡以示衆生有能見者生大

信心瞻禮供養滅無量罪常生佛前如來既  
寂除劇愈顯唐貞觀中元奘法師自西域國  
寫持歸太宗勅令刻石祖廟明神宗時少林  
沙門明成如意二僧募衆摹寫刻石中臺

文殊髮塔 在大塔東相傳昔菩薩化貧女遺  
髮藏此明神宗時方廣道人修塔見髮色若  
金光彩無定

般若泉 在大塔左唐僧慧潛結菴於此日課  
金剛經菴側有泉湧出因名

雜花園 在大塔前唐時築戒壇於此

鳳林谷 在中臺東南循鳳林谷而北嶺下有

西天洞

梵仙山 在中臺東三十里亦曰飯仙山昔有

五百仙人餌菊於此山之西曰井溝南曰楊

栢峪

九龍岡 在中臺南近竹林寺

令公塔 在九龍岡側宋楊業殉節其子延朗

收遺骸建塔

舍利塔 在竹林寺前明成化間耕者得石槨  
內藏銀匣貯琉璃瓶盛舍利數百顆匣上刻  
字僧雲宗寶藏弘治間燕京穆氏建塔嘉靖  
間古燈重修又竹林寺舊藏如來像一龕製  
度精巧寺像稱爲竹林小像

清凉谷 在中臺南四十里谷有古清凉僧法  
聚構蘭若焉其北巖有清凉泉

羅漢洞 在中臺南清凉寺北溪上晴虹卧波  
曰清凉橋

清涼石 清涼谷之西有石厚六尺五寸週遭

四丈七尺面方平正自然螺紋爲鎮海奇珍  
相傳昔有異僧趺坐其上爲衆說法梵音琅  
琅狀貌古奇卽之不知所在後人因其坐處  
爲曼殊狀又有云文殊大士化老僧從龍王  
募施手托而返躡雲行至中途其子五百毒  
龍來追大士墜此石於巖下而合其掌五百  
龍俱禁掌中不敢復出今秘魔巖卽所合之  
掌也康熙癸亥

聖駕巡幸侍從百餘人登之

萬年冰 中臺東麓有冰數丈九夏不消桃李  
樹生於冰孔夏初盛開

聖祖御題曰淨域

玉花池 中臺東南麓昔有五百梵僧於此休  
夏池生白蓮堅瑩如玉因名亦曰雨花池池  
旁有三珠泉自此而南則爲九龍岡西南曰  
獅子窩西北曰太華池北四十里爲萬聖澡  
浴池



萬聖澡浴池 中北二臺之間古有湧泉清潔  
可愛遊人每見天光雲影之中有天仙沙門  
蓮華錫杖之狀相傳爲菩薩盥掌之所後人  
構亭其上善信者多持香花拭巾投之  
太華池 在中臺西北隅其水隨人所見深淺  
不一臨池顧影可辨毫髮

祈光塔 在中臺西南隅明成化間秋崖法師  
同晉王祈光建此塔

臺中舍利塔 唐藍谷法師從梵僧祈得舍利

造鐵塔盛之外建大塔明神宗時塔欹一夕

雷震塔正如故

獅子窩 在中臺西南嶺昔人見萬獅遊戲其

中明神宗時僧智光等構淨室

以上名勝二十一處俱屬

中臺

那羅延窟 在東臺畔僅容人身側入洞中風

甚寒盛夏有冰燈光時現經云菩薩住處亦

是神龍所居

笠子塔

在東臺頂宋宣和間代州牧趙康弼

見異僧入那羅延窟留斗笠建塔藏之

觀音坪 在東臺北麓一里

華嚴谷 在東臺西北今名東臺溝

棗林 在東臺東北魏永安二年恒州刺史家  
有人逐白鹿至此見白髮長者扶杖立門外  
指其人食棗療饑再往尋之不可踪跡

天城 東臺東北有梵宇曰五王城天城在其  
側靈蹟記云天城卽化宇也迥出霞標皎若  
天城得遇之人塵機頓息

大會谷 在東臺東衆溪交流潯沱河發源於此

華林 在東臺東南二十里卽古華嚴

溫泉 在東臺東南七十里蘊金沙之氣蒸爲醴液浴之除疴又臺東南六十里曰馬跑泉地接龍泉關

鐵舖 在東臺南五十里曰上鐵舖下鐵舖又東南曰舊路嶺

棲賢谷 在東臺西南溝僧古德藏修處其岩

畔有洞觀音滴泉味甘

化竹林 卽東臺西南支山去臺二十里昔人遠望萬竹森森近則失之遂於此卓菴

大螺頂 在化竹林南亦曰黛羅盤旋險仄登者絕少古曰青峯有僧至此久立不語不坐卧人以立禪呼之

現聖臺 在大螺頂之南亦曰望聖臺唐觀國師常見萬聖羅空五雲停岫

明月池 在東臺西南昔人晦夜見皎月澄池

明曹學佺名勝志人傳以紗帛障目下覩或  
見月在水中池南二十里爲石佛嶺池西南  
石上有羅睺顯跡

漫空石 東臺頂盛夏流液人結屋覆之

阿納嘎拉山 原作研伽羅山在東臺

無恤臺 趙簡子獵常山西占紫雲之瑞故五

臺總名曰紫府

黃巍嶺 宋張商英見神燈處

華嚴嶺 在東臺西北十五里亦曰清嚴嶺嶺

下有雪浪亭亦名七里亭近接仙人洞

以上名勝

二十處俱

屬東臺

八功德水

在西臺北又西臺頂上相傳北魏

文帝至此避暑有人馬跡

二聖對談石

唐法林見緇白二僧對談石上

其石下有獅跡子

文殊洗鉢池

在西臺東昔有老母洗鉢於此

云自中臺乞食而來言訖忽隱惟見光暎林

谷又臺東北有泥齋和尚習定處相傳昔有

金剛經疏  
卷之二  
神僧住此以泥作飯食之

龍窟 在西臺西麓又西北隅曰烏門曰禪堂  
溝三十里曰李牛谷其西南有谷曰石門

秘魔巖 在西臺西四十里木叉和尚所居名  
勝志云天陰中有聲如風相傳爲文殊合掌  
禁五百毒龍於此西五十里曰栽谷水經云  
栽谷之水出於中臺蓋谷之西卽中臺

龍洞 秘魔巖下懇禱則龍現大小不等

薩埵嵯 秘魔巖之西古有代州王氏女逃至



此食薇飲露父母強之歸女投崖飛昇而去  
其地因名捐身巖

香山 在中西兩臺之間

以上名勝八處俱屬西臺

古南臺 在南臺二里明嘉靖間香林大士卓  
菴其間古名繫舟山相傳帝堯避水繫舟於  
此上有銅環石紐

仙花山 卽南臺支山名塔曰普賢塔又山之

南麓曰石罅神龜東南麓有白龍池

挿箭嶺 在南臺東二十里宋太宗北征至此

見菩薩現八臂相挿箭而還

萬木坪 在南臺西南四十里唐李澄師莊

龍宮聖堆 近娑婆寺龍母聞法化去龍池卽

湧爲堆

聖鐘山 在南臺南八十里昔有神鐘飛來懸  
於巖下後飛鳴而去鐵虞尚在名勝志云山  
形如覆鐘故名

聖僧崖 在南臺南七十里亦名滴水巖唐貞  
觀中梵僧於此立化

古竹林 在南臺西南二十里唐法照入聖境  
虎陽嶺 在南臺西南三十餘里波吒利見文  
殊處有尊勝幢存焉虎陽河發源於此

七佛洞 在南臺西南二十里亦曰三賢巖古  
有七梵僧至此入寂不起遂立七佛像又有  
洞曰志公洞在清涼石南法華洞在志公洞  
前

千佛洞 在南臺東北崖明嘉靖間僧道方夜  
遊至此見神燈萬點佛像森列其中更進則

聞波濤聲懼不能出因持觀音名號旋見一  
燈前導而出卽洞造佛焉

金閣嶺 在南臺西北昔人見空中金閣湧現  
因建寺擬之

天盆谷 在金閣嶺之左山若仰盂又天盆之  
北曰蛇溝亦名車溝

海螺城 在天盆谷東昔人見化城若海濤盤  
旋之狀以上名勝十四處俱屬南臺

黑龍池 北臺南畔有羅喉臺頂有池名金井

亦曰天井池有龍神祠禱雨輒應

聖祖御題曰五界神湫

七佛池 在羅喉臺之麓南有飲馬池亦名飲牛池又有黑岸洞

聖祖御題曰定水心蓮

羅漢臺 在北臺唐十六梵僧集此同化去又有鄧隱峯塔叅馬祖歸飛錫倒化於此後建塔僧明來重修

說法臺 在北臺東遊觀者時聞鐘梵之聲

樓觀谷

在北臺東南二十里相連曰習觀巖

金剛窟

在樓觀谷之左亦曰金剛洞祇洹圖

曰三世諸佛供養之器俱藏於此迦葉佛時  
楞伽鬼王所造神樂及金紙銀書毘奈耶藏  
修多羅藏佛滅度後悉收入此昔佛陀波利  
入此不出

白水池

在樓觀谷後其泉若乳人取滌眼名

勝志云水與天井連經繁峙縣義谷口入滹

沱河

五郎祠

在樓觀谷西宋楊業第五子出家處

又有玉泉僧無著見化人於此飲牛

紫霞谷

在北臺南土人呼爲北臺溝此清涼

最深處

龍門

在北臺南麓下有留雲石北有藏雲谷

雲出爲雨雲入爲霽胡順菴刺舌血書華嚴  
經處龍門之側曰金沙泉臺之後麓舊有仙  
人菴

九女泉

在北臺後七里昔有九仙女浣濯於

此

藏真谷 在北臺西北五百梵僧舊藏修之地

大黃尖 在北臺北二十里卽古北臺

卓錫泉 在蘭若寺唐僧道賢縛茅藏修艱於

得水偶客僧至索浴賢遠汲澗下明日客僧

欲浣衣賢復負器汲水器破再往畧無怠色

其僧歎曰子可謂誠矣卽卓錫菴前命賢拔  
之泉甘隨拔而出僧持錫騰空而去

慈山 昔有梵僧從魏文帝乞一卧具地帝許



之其僧展具覆五十里帝知爲神僧馳馬徑去山隨後逼之帝還顧曰汝慙耶山乃止

寶陀峯 在北臺北四十里亦名寶山又西北四十里曰文岫山

秦戲山 在北臺東七十里山海經云秦戲之山無草木多金玉滹沱之水出焉亦名派山品字泉 在秦戲山卽滹沱河源西流由北臺之陰注達真定

古志以大黃尖爲北臺叶斗峯爲中臺翠巖峯

爲南臺後以綿繡峯靈瑞顯彰大士頻現具與  
四峯鼎立故酌定以爲南臺則翠巖居中叶斗  
爲北矣况大黃尖乃叶斗支山固不足以當五  
峯之列藍谷傳以爲中臺高於北臺則誤指古  
北臺也按妙濟傳五峯之外復有四埵東曰青  
峯埵卽常山趙襄子曾登亦名無恤臺南曰朱  
明埵卽方山李長者著論處西曰鶴林埵卽馬  
頭山亦名磨笄山代子夫人磨笄處也北曰元  
冥埵卽夏屋山亦名覆宿山古帝王避暑處然

四埵之名好事者所立亦無可考信焉

欽定清涼山志卷之十

寺院上

欽定清涼山志卷之十

謹按古者頭陀之碑伽藍之記文采烏栴事蹟  
瑰奇傳於往牒彰矣未有

雲罕駐臨

璇題垂象壁合珠聯之寶鸞騫鳳翥之華廣照於蘭  
若間者也清涼山佛寺最盛大乎建於元魏真  
容闢自初唐歷宋迄明代有創建我

聖祖仁皇帝修五頂之琳宮興臺麓之紺宇遠邇歡躍

競仰法輪

皇上五莅靈峯

恩波與德水同流

睿翰共天花徧灑林泉增潤鐘梵騰輝是豈四百八十之古寺所得誇其崇麗者乎臣等謹輯爲寺院二卷次第備列其舊址蕪廢而名號僅存及附近臺懷諸刹並具載於後以資考證

欽定清涼山志卷之十

寺院上

大文殊寺 在中臺靈鷲峯頂亦曰菩薩頂真  
容院唐釋法雲建相傳寺成時有塑工安生  
不召而來請言聖儀雲曰大聖德相我何能  
言相與懇禱求菩薩現身七日忽於雲際顯  
現全像遂圖模塑成因名曰真容山門三楹  
左右鐘鼓樓各一坊一天王殿三楹配殿六  
楹都綱殿三楹配廡十楹文殊殿三楹配廡

六楹藏經樓五楹前後順山樓一百二楹禪  
房僧舍一百八十楹歷代遞加修葺明永樂  
初改名文殊寺成化時造文殊乘獅行像

本朝康熙二十二年發帑重建

聖祖御題坊額曰雲峯勝境門額曰十剎圓光曰珠林  
花雨曰五峯化宇文殊殿額曰五臺勝境其  
西精舍額曰斗室乾隆十一年十五年二十  
六年四十六年五十一年

聖駕五幸寺中



宸旂停憩文殊殿

御書額曰人天尊勝聯曰百道泉飛澗流功德水五  
峯雲擁天雨曼陀花前殿額曰心印毘曇聯  
曰八解濬遙源航週性海三明開廣路鏡朗  
心臺配殿內聯曰性相真如華海水圓通妙  
覺法輪鈴西齋室聯曰心倪叅有象道籥契  
無形靜舍西軒內

御題額曰最上層正軒內聯曰山色皈真境禽聲出  
慧林

臺懷

行宮在菩薩頂之前三里乾隆二十五年改建正殿

五楹正中

御題額曰恒春堂聯曰勝境起香雲因叅心性琳峯  
呈妙相恒證清涼西軒聯曰卽境樂山惟趣  
永寓言愛物要仁施後軒聯曰峯姿樹態張  
圖畫目擊心存伴縹緲後殿五楹正中

御題額曰清凝齋東西齋左右聯曰雲行天際自然  
句瀑赴崖邊太古聲宇宙以來此山色冲融

之際蕩煙光東軒左右壁聯曰青芙蓉表尋  
詩趣銀世界中閱畫姿畫入一窻展山峙聲  
澄萬籟祇泉鳴西軒左右壁聯曰耆嶺鳥吟  
都送喜香林花色總離塵仙露明珠方朗潤  
松風水月比清華西齋南牕聯曰擎青古茂  
松千尺環碧高低山一房禮佛軒聯曰心田  
淨洗全如水鼻觀清芬詎必蓮東小軒聯曰  
峯迴無遮遠春和不礙涼又西偏殿左右聯  
曰洗不期其箏笛耳悅原契此淨明心忍草

禪杖恒自在芝田花雨相氤氲

臺麓寺 在東臺之東南射虎川上山門三楹  
鐘鼓樓各一前殿五楹配殿配廡各六楹文  
殊殿五楹配殿配廡各十楹禪房僧舍一百  
八楹

本朝康熙二十二年

聖祖西巡臣民懼怖建寺二十四年發帑興修

御題坊額二曰十刹圓光曰五峯化育殿額曰無量花

乾隆十一年

皇上西巡

御書文殊殿額曰妙莊嚴路曰五髻香雲中殿額曰  
筏通彼岸前殿聯曰金輪薦福慈光靄寶梵  
傳心妙果圓二十六年葺寺傍精舍以備

宸憩

御題後殿額曰靜寄齋左右壁聯曰山蒼仁體現樹  
古殿風生巖壑有奇趣烟雲無盡藏前殿

御題額曰雪妍堂左右壁聯曰瀑飛絕澗聲偏冷峯  
較閒雲態更奇便有香風吹左右似聞了義

示緣因殿側小書軒

御書額曰雨花聯曰名山咫尺宜清眺韶景依遲報

始間

白雲寺 在北臺之南舊名接待院面臨遠道

後枕岩椒山門三楹鐘鼓樓各一前殿三楹

文殊殿三楹後殿五楹配廡僧房四十楹

本朝康熙中發帑重建

聖祖御書前殿額曰法雲精舍乾隆十五年

御題前殿額曰朗瑩心珠後殿額曰松風花雨又額

日法雲二十年於寺傍修建

行宮二十五年改爲精舍

御題前殿額曰引懷堂聯曰曲檻入晴雲迥臨嵐翠  
古松流靜籟互荅泉聲前軒聯曰境是天然  
羸繪畫趣含理要入精微西軒聯曰雲端與  
曠軒疑畫樹杪高低圖是懸後殿

御題額曰靜宜書屋禮佛軒聯曰風鈴常轉蓮花藏  
貝葉閒披金字經殿西書軒聯曰舉目峯巒  
愜遙望甄心翰墨挹清芬

中臺演教寺 亦名曰中臺頂唐建有舍利藏

於鐵塔山門三楹正殿三楹配廡六楹

本朝康熙二十二年發帑重建

聖祖御題殿額曰翠巖曰古雪乾隆十四年重修

御書額曰靈鷲中峯曰震那金界

東臺望海寺 亦曰東臺頂在望海峯上後魏

時建山門三楹前殿五楹後殿五楹配廡三

楹僧房三楹龍王祠一楹

本朝康熙二十三年發帑重建有



聖祖御書望海峯三字殿額曰自在曰般若源乾隆十

四年重修

御書額曰霞表天城曰華嚴真境

西臺法雷寺 亦曰西臺頂唐建寺在林中松

杉交蔭旋折而上如棧閣然山門一楹前殿

三楹後殿三楹配廡六楹

本朝康熙二十二年發帑重建

聖祖御題殿額曰蓮井曰初地乾隆十四年重修

御書額曰月鏡空圓曰德水香林

南臺普濟寺 亦曰南臺頂宋建山門三楹正  
殿三楹文殊殿三楹配廡十楹山房六楹寺  
旁精舍三楹

本朝康熙二十二年發帑重建

聖祖御題殿額曰大方廣室曰物外遊乾隆十四年重  
修

御書額曰仙花證果

北臺靈應寺 亦曰北臺頂明神宗時建山門  
三楹正殿三楹配廡六楹後廡三楹龍池三

楹僧舍七楹

本朝康熙二十二年發帑重建

聖祖御書殿額曰棲真境龍王殿額曰大珠月白日龍  
叅乾隆十四年重修

御書額曰應真禪窟曰寶陀飛觀

大顯通寺 在靈鷲峯上古名大孚靈鷲寺漢

明帝時摩騰法蘭西來見此山乃文殊住處  
奏帝建寺以山形若天竺之靈鷲卽以爲名  
加以大孚二字解爲宏信也後魏孝文帝重

葺復置院十二環繞鷲峯前有雜花園亦名  
花園寺唐真觀時復加修建武后以新譯華  
嚴經中載此山名改爲大華嚴寺明永樂時  
重建改大顯通寺神宗時改爲永明震旦祇  
園此爲最古內外山門六楹鐘鼓樓各一文  
殊殿五楹大雄殿五楹無梁殿七楹千佛殿  
三楹銅殿一區銅塔五座前後配殿四十楹  
後閣五楹藏經樓二所禪舍僧房二百四楹  
本朝康熙二十六年發帑重修仍名顯通寺

聖祖御題千佛殿額曰甘露津銅殿額曰紺園乾隆十

一年

御書文殊殿額曰十地圓通大殿曰眞如權應寺東  
有精舍五楹

大寶塔寺 在靈鷲峯下明永樂中建亦曰塔

院寺內有佛舍利塔左有文殊髮塔佛足碑  
後殿有轉輪藏內外山門六楹鐘鼓樓各一  
延壽殿五楹配廡六楹藏經樓五楹禪房僧  
舍三十四楹山門外千佛閣三楹文殊殿三

楹龍王祠三楹僧房七十楹寺旁精舍三楹

本朝康熙中

聖祖御書額曰景標清漢後殿曰金粟來儀乾隆十五年

御書額曰攬妙鬚雲寺前有橋曰西巡橋

大圓照寺 在靈鷲峯下顯通寺之左古稱普

寧寺明永樂初印度僧室利沙來此土詔入

大善殿坐論稱旨送居臺山顯通寺宣德初

復召入京無何啓辭歸山未許明日示寂依

法茶毘分舍利爲二分一於都城建寺曰眞覺一於臺山普寧寺基建寺曰圓照山門五楹鐘鼓樓各一前殿三楹大殿三楹配殿六楹配廡禪房九十楹

本朝康熙中

聖祖御題額曰勝旂西振乾隆十五年

皇上御書額曰宏範三界

大廣宗寺

在靈鷲峯南半麓明正德初建鑄

銅爲瓦稱銅瓦殿山門三楹鐘鼓樓各一文

殊殿五楹銅殿三楹配廡僧房四十楹

本朝康熙中

聖祖御題額曰雲峴

羅睺寺 在塔院寺東北隅有蓮花莊宋元祐

中建張商英嘗見神燈于此山門三楹鐘鼓樓各一文殊殿三楹都綱殿六楹後閣五楹前後配廡六十楹山樓十楹僧房六十八楹寺後有轉輪閣

本朝康熙四十五年重修



聖祖御題殿額曰八正門西山樓額曰空林乾隆十二

年十五年

御書前殿額曰慧燈淨照後殿額曰悟色香空二十  
五年寺傍改修精舍正殿三楹前殿五楹廡  
軒齋室六楹配廡六楹

御題殿額曰意蕊心香

殊像寺

在靈鷲峯麓飯仙山左有文殊跨狻

猊像神工所造山門三楹鐘鼓樓各一大殿  
三楹後殿五楹大悲閣三楹配廡二十二楹

僧舍二十四楹旁有精舍敞軒三楹山樓三楹

本朝康熙二十二年

聖祖御題殿額曰法相天然三十九年發帑重建乾隆十一年發帑重修

御書殿額曰大圓鏡智天王殿額曰現清淨身

清涼寺 在中臺南亦曰保安寺後魏孝帝建

元至正二年重修山門三楹鐘鼓樓各一坊一亭一前殿三楹正殿三楹前後配廡二十

四楹僧舍三十三楹寺旁有精舍正殿三楹  
配廡軒亭十八楹

本朝康熙中

聖祖御題額曰水晶域乾隆十二年

御書額曰清涼法蔭十六年改修寺旁精舍以備  
雲罕停憩

壽寧寺

在中臺南三十里唐大歷初僧法照

見白光中現文殊像因建寺山門三楹鐘鼓  
樓各一坊一亭一大殿三楹後殿五楹配廡

二十楹山房七楹僧舍三十五楹寺旁有精舍三楹亭一

本朝康熙中

聖祖御題額曰白毫光現乾隆十二年

御題額曰善超諸有

旃林寺 在東臺南山門一楹文殊殿五楹配廡二十二楹僧舍十楹

本朝順治八年建寺有娑羅樹亦名娑羅寺康熙中

聖祖御題額曰旃林乾隆十一年

御書額曰七佛導師

般若寺 在東臺樓觀谷今名金剛窟明成化

中建山門一楹鐘鼓樓各一坊一大殿三楹

中殿五楹大殿五楹配廡六楹金光閣一楹

配廡二十楹僧舍十六楹寺旁精舍三楹

本朝康熙中

聖祖御題額曰雁堂乾隆十二年

御書額曰妙音如意

鎮海寺 在交口西南嶺下山門三楹鐘鼓樓

各一亭一前殿三楹大殿五楹後山殿三楹  
前後配廡二十四楹僧舍六楹寺旁精舍三  
楹

本朝康熙中

聖祖御題額曰金光輪藏乾隆十一年

御書額曰金輪不住

碧山寺 在華嚴谷明天順中建名普濟寺又  
名北山寺山門三楹鐘鼓樓各一坊一文殊

殿五楹雷音戒壇各五楹藏經閣五楹龍神  
寺三楹前後配廡六十二楹山樓二十楹僧  
舍四十七楹寺旁精舍三楹

本朝康熙三十七年發帑重建改今名

聖祖御書額曰入雲天籟乾隆十一年十二年

御書前殿額曰香林寶月後殿額曰淨域靈因

棲賢寺 在東臺棲賢谷亦名棲賢社山門五

楹鐘鼓樓各一坊一正殿五楹觀音殿五楹  
後閣殿五楹前後配廡四十四楹山樓二十

楹僧舍五十四楹寺旁有精舍三楹

本朝康熙中發帑重修

聖祖御書正殿額曰小匡山觀音殿額曰鵠苑乾隆十一年十二年

御書殿額曰身徧恒沙曰是忉利天

金閣寺 在南臺西北唐大歷二年有見金閣  
浮空因建寺鑄銅爲瓦塗金其上山門五楹  
鐘鼓樓各一坊一大殿五楹中殿三楹後殿  
五楹配廡十楹僧舍十六楹寺旁有精舍三



楹

本朝康熙中

聖祖御題額曰具神通力乾隆十二年

御書嶺後殿額曰宗垂仰鏡

普濟寺 在石嘴村西北山門三楹鐘鼓樓各

一文殊殿三楹大殿三楹關聖祠三楹配廡

二十二楹僧舍七楹

本朝康熙中

聖祖御書額曰梵覺

湧泉寺 在盧家莊之東有泉湧出俗傳爲文

殊盥掌之地山門三楹鐘鼓樓各一中殿五楹後殿五楹配殿六楹山樓僧舍四十楹

本朝康熙中發帑重建

聖祖御書額曰法雨晴飛

明月池 在萬緣菴之東山門三楹坊一文殊殿三楹配廡十二楹僧舍五楹池旁精舍三楹敞軒三十六楹層巒翠靄樓閣叅差鏡影澄波與月上下爲臺山最勝處

聖駕五幸臺山屢邀

清蹕停憩

御書聯曰月宇延山千疊翠天池貯水一泓深

玉花池 在中臺南麓西接羅漢坪隋時五百

應真棲此龍神修供有騾十數頭自能入市

運糧朝往暮歸率以爲常其時池生白蓮堅

瑩如玉建寺曰玉花明永樂初改名萬壽山

門三楹鐘鼓樓各一亭一大殿三楹配廡八

楹山樓十四楹後閣五楹山房三楹僧房六

十楹精舍三楹

本朝康熙中

聖祖御題正殿額曰天開涿池乾隆十一年

御書後殿額曰華嚴龍海正殿額曰妙叅真入

普樂院 在金剛窟西山門一楹鐘鼓樓各一

坊一白水池亭一前殿三楹後殿三楹前後

配廡二十一楹山房十一楹藏經樓五楹山

樓十八楹龍王祠一東西僧舍十九楹院旁

精舍四楹山軒十二楹

皇上西巡

宸旂停憩

御書額曰三乘普證聯曰法化報身成舍相聞思修  
教演祥輪精舍前簷有

御書音樂院三字靜室額曰法界恒春

萬緣菴 在東臺南山門三楹前殿三楹中殿

五楹後殿五楹前後配廡四十二楹僧舍二

十四楹

本朝康熙十二年建乾隆七年因慈雲寺圯敬移

聖祖御書眞寶相三字額于菴內文殊殿十一年十二年

皇上御書額曰施洽羣有曰智弘六度

妙德菴 在南臺西北山門三楹前殿三楹大

殿三楹配廡十八楹僧舍六楹

本朝康熙中

聖祖御書額曰香閣慈雲曰松風水月乾隆十一年  
御書額曰性因淨果

雜花菴 在北臺東南明永樂三年建山樓三

楹前殿三楹大殿五楹配廡十二楹僧舍十楹雍正七年萬聖澡浴池被火敬移

聖祖御書無垢二字額于菴內乾隆十二年

御書額曰無量福田

古南臺 在南臺西南山門一楹大殿五楹羅

漢殿三楹配廡十楹山樓一楹僧舍十楹

本朝康熙中

聖祖御書額曰古南臺乾隆十一年

御書額曰慧心明圓

古清涼

在清涼石西北岩上前山樓三楹坊

一曰蒼岩翠壑峻雲閣五楹文殊閣三楹正

殿三楹東西山樓六楹僧舍六楹

本朝康熙中

聖祖御題殿額曰心會真如乾隆十一年

御書額曰菩提不染

紫府廟

在臺懷鎮東山門三楹坊一鐘鼓樓

各一大殿三楹配廡二十二楹僧舍六楹

本朝康熙中



聖祖御書殿額曰列真之宇

千佛洞 在南窑子西山門三楹坊一文殊殿  
三楹大士殿五楹正殿三楹前後配廡十二  
楹山樓三楹龍王祠一楹禪房五楹洞前精  
舍三楹山軒九楹

本朝康熙中

聖祖御題文殊殿額曰禪悅

八功德水 在西臺北麓山門三楹殿廡六楹  
本朝康熙中

聖祖御題額曰霄潤

欽定清涼山志卷之十

欽定清涼山志卷之十一

寺院下

欽定清涼山志卷之十一

寺院

下

大螺頂 在靈鷲峯東亦曰黛羅頂山門三楹

文殊殿三楹後殿五楹配廡十四楹僧舍十

楹寺傍精舍六楹

本朝乾隆十五年發帑重修

金燈寺 在南臺東北麓千佛洞西山門三楹

文殊殿三楹大殿三楹配廡十二楹山樓七

楹僧舍二十二楹寺房精舍三楹

普安寺 在萬緣菴南山門三楹鐘鼓樓各一

亭一大殿三楹殿廡十楹精舍五楹山房三楹僧舍十六楹

太平興國寺 在樓觀谷亦名洪慶寺今改爲

集福寺山門一楹鐘鼓樓各一大殿三楹文殊殿三楹後殿三楹配廡十八楹山房六楹僧舍二十二楹宋沙門睿見居此太宗平晉詔建此寺以睿見主之卽楊延朗之師也後有僧真寶者殉靖康之難元于此祀岳寶后

土

五郎寺 在洪慶寺東北亦曰五郎廟山門三楹中殿三楹大殿三楹配廡三十四楹僧舍二十九楹

古佛寺 在蛤蟆石北山門三楹大殿三楹配廡十六楹寺西北卽金剛窟

南山寺 在棲賢谷東南山門三楹山樓五楹配廡十楹寺旁有精舍正殿五楹亭一山樓八楹僧舍二楹

金定江志卷之二  
碑樓寺

在靈鷲峯東南坊一亭一文殊殿三

楹後殿三楹關聖祠三楹配廡二十楹山房  
八楹僧舍十五楹寺北曰帝釋宮山門一楹  
鐘鼓樓各一大殿三楹文殊殿五楹配廡十  
二楹

護國寺

在靈鷲峯南三里元成宗勅建真覺

禪師於此著慧燈錄山門三楹鐘鼓樓各一  
中殿三楹後殿五楹配廡三十楹山房六楹  
僧舍八楹寺側曰善財洞山門一楹佛座三

楹配廡僧房十三楹

七佛寺 在妙德菴南前殿三楹大殿三楹配廡十六楹山房六楹僧舍十二楹寺旁龍王祠三楹山樓三楹鐘鼓樓各一

平章寺 在光明汎東金時建山門三楹鐘鼓樓各一文殊殿三楹配廡六楹

三泉寺 在中臺南麓山門一楹亭一大殿三楹配廡八楹僧舍三十一楹

鐵瓦寺 在三泉寺東山門一楹文殊殿三楹



正殿三楹前後配廡十二楹鐘鼓樓各一山房四楹僧舍二十楹

吉祥寺 在清涼橋山門三楹前殿三楹正殿五楹配廡十六楹山房十楹僧舍三十七楹

竹院寺 在碑樓寺西南山門三楹鐘鼓樓各一前廡三楹前殿五楹配廡十六楹後閣五楹山樓十二楹僧舍十五楹又東曰獅子梁山門三楹前殿三楹大殿五楹配廡十六楹山房五楹山樓六楹僧舍六楹

白頭菴 在南臺東北白雲寺東南明嘉靖間  
有僧生而皓首多神慧結廬於此山門三楹  
大殿三楹今其地卽名白頭汎西曰西菴村  
有西菴三楹又西南曰前石佛村後石佛村  
海會菴 在金剛窟西北山門三楹大殿三楹  
左右殿六楹配廡二十四楹小山樓一楹僧  
舍十四楹

沐浴堂 在鎮海寺西南山門三楹鐘鼓樓各  
一大殿三楹配廡十二楹藏經樓五楹僧舍

五十一楹

萬佛閣 在湧泉寺南山門一楹正殿三楹配  
廡八楹

聖母廟 在射虎川東俗稱娘娘廟山門三楹  
鐘鼓樓各一正殿三楹配廡十楹山房六楹  
僧舍三楹

石嘴關聖祠 在普濟寺東南石嘴村山門三  
楹鐘鼓樓各一大殿三楹中殿三楹配廡十  
六楹又有茶房村關帝祠山門三楹大殿三

楹配廡六楹

金剛窟精舍 在海會菴東南大門三楹山亭  
五正宇五楹敞軒十八楹左右廡十六楹層  
崖雪霽湧現雪花清曠怡人最爲勝境

寬灘村精舍 在華嶠村東大門三楹正宇三  
楹敞軒十四楹左右廡十八楹溪流四繞山  
翠千盤雲淨雪瑩爲臺南靜室

五臺古刹附載

廣緣寺 在靈鷲峯東俗稱古天王寺又寺後

爲法王寺驚峯之西曰三塔寺今皆荒蕪

法雲寺 在華嚴嶺唐三昧姑講道處明時重

修今廢

普恩寺 在普濟寺東舊稱西天寺明洪武間

梵僧施哩班隄達住此太祖徵入京奏對稱  
旨賜以御製詩護令還山正統間賜藏經今

寺址荒廢

報恩寺 在華嚴谷建置無考今久淪榛莽

金界寺 亦在華嚴谷唐建宋張商英亦見神

燈於此明成化間清玉禪師重修今圯

東壽寧寺 在三泉寺南古名王子焚身寺北

齊帝高洋第三子燃身建寺唐昭宗時重修  
宋改名壽寧元華嚴菩薩禪定於此成宗英  
宗先後駐蹕重加修葺又有西壽寧寺元釋  
碧峰建今俱廢

鳳林寺 在鳳林谷明嘉靖間僧徹天卓錫有  
盜至見二虎據門因呼二虎禪師又谷中有  
日光寺明嘉靖初獨峰禪師建寺北曰寶珠

寺明嘉靖初古燈禪師建今寺址俱圯

萬聖佑國寺 在交口東山麓元海印大師住  
此注肇論英宗爲建寺今廢

觀海寺 在明月池側元魏時建明成化間月  
舟禪師重修今寺址無考疑今萬緣菴卽其  
故址

雷音寺 在海螺城建置未詳今故址已圯

天聖寺 在井溝明嘉靖間建今廟址無存

靈峯寺 在陽白峪唐時建明成化間義賓禪

師住此重修又有支院曰中峯寺聖水寺天城寺今俱圯

天盆寺 在天盆谷中依山得名建置未詳谷中又有寺曰日照今並廢

雲集菴 在中臺梁建置無考今廢

淨土菴 在棲賢谷明嘉靖間玉峯禪師建以廣修淨業名其菴今圯

龍興菴 亦在棲賢谷明嘉靖初僧太虛卓錫於此因中夜聞龍吟故名今菴址已圯



智導菴 在中臺南麓卽清涼寺之崖畔建置

未詳今廢

靈鷲菴 在華嚴谷東建置未詳今圯

大盂菴 在紫霞谷羣峯拱抱茂林森秀爲靜

修勝地明無邊禪師卓錫於此嘉靖甲子於

地掘得銅盂可受斗粟因以名菴今菴址荒

頽又谷中有靜林菴釋真雲建今亦圯

法雲菴 卽古彌陀菴愍山禪師德清居此掘

地得石有清朗居三字以爲預識今菴址漸

淪榛蕪

大林菴 在鳳林谷金陵素菴法師構今墻宇  
傾廢

龍樹菴 在車溝明嘉靖初實印楚峯玉堂三  
僧同叅大川和尚偈曰向去三人載一車後  
至蛇溝共結茅而居蓋蛇溝舊名車溝也向  
爲叢林今基宇已非舊觀

棲鳳菴 在天盆北嶺明嘉靖間僧寶峯建菴  
東北曰華嚴菴明嘉靖間僧古檀誦華嚴於

此今俱圯

卧雲菴 在中臺西南麓建置未詳今廢

不二樓 在西臺之北倚二聖對談石明嘉靖  
間慧月禪師於此見文殊淨名二聖對談華  
嚴旨趣亦名華嚴樓

東臺外佛刹

華林寺 在古華嚴唐時建明季屢加修葺其  
相近有香雲寺香藥寺慈雲寺建置未詳今  
寺宇俱頽廢而香藥寺出乳頭香藥至今志

乘稱之

龍蟠谷 在大會谷山勢矯若龍蟠故名相近  
有鳳嶺寺建置俱未詳今圯

溫泉寺 在東臺東南五十餘里元時重建以  
山泉溫暖得名

銅鐘寺 在大會谷中相傳昔有古鐘受三十  
斛雕文縷藻神彩煥奕寺僧慧燈受戒赴京  
及歸已失之默告大聖忽聞空中報曰鐘乃  
拘樓秦佛時梵率天王所造今收入金剛窟

中爾何求耶慧燈乃著銘泐石記之其建置  
自何代未詳

龍泉寺 在東臺東南舊路嶺宋時建明嘉靖  
間重修今圯

西臺外佛刹

秘密寺 在秘魔巖谷最深邃唐木叉和尚建  
今堙

圭峯寺 在峩谷隋時建又有豹子寺熊頭寺  
向陽寺育王寺望臺寺石門寺稱峩谷七寺

俱隋唐時所建今皆堙廢

鐵勒寺 在東臺西南六十里鐵勒山上唐慧  
洪法師建

南臺外佛刹

靈境寺 去南臺二十里明成化間釋清善建  
今寺宇僅存

石塔寺 在南臺東南一名小柏寺其建置年  
月未詳

娑婆寺 在南臺西南三十里北齊時釋元頤

卓菴於此有婦携子數來聽經頤疑而問之  
婦曰我名娑婆乃龍母也因聽法得悟將脫  
鱗甲矣頤曰斯言誰當信之母曰我若真悟  
無生此深淵涌成高阜言訖隨手卽成高阜  
龍亦化去後人目其阜曰龍宮聖堆頤于此  
建寺卽以龍母名名之

佛光寺 在南臺西南四十里北魏時文帝見  
佛光現瑞因名唐解脫和尚藏修于此

嵌巖寺 在南臺南六十里仙花山陽亦魏時

文帝建又有聖福赤崖法華殊公等四寺俱  
在仙花山之陽其建置未詳

北臺外佛刹

寶積寺 在北臺北谷中相近有木瓜寺其建  
置俱未詳何時

溥濟寺 在大黃尖南麓唐時建今堙

公主寺 在北臺西北後魏誠信公主皈依因  
建此寺唐末唯德禪師重修

淨名寺 在北臺西北繁峙縣南唐建宋興國



年間重修

清源寺 在大黃尖下二十里元時建明西僧  
戒喜叅悟中禪師辭去中語之曰爾緣在北  
逢源而止神宗時至此卓錫掘地得古碑名  
清源院因居之

蘭若寺 在大黃尖北二十里唐時建明神宗  
初法華道者掛錫于此宋谷天宮二寺入焉  
普光寺 在文岫山今名梨峪寺壁峯金禪師  
藏修處也明洪武間勅修並賜詩旌之壁峯

常依華嚴製爲懺法梵音婉雅四十二卷惟  
本寺僧襲其法四方學者于此觀頂受業焉  
正覺禪院 在北臺北臨滹沱河宋時稱天王  
院宣和間改爲神霄宮有真容院僧請勅復  
爲佛寺因賜額焉

欽定清涼山志卷之十一